

Alkitab Buat Bocah

Nampilin

Orang Kaya,
Orang
Melarat



Nyeng nulis: Edward Hughes

Nyeng bikin gambar: M. Maillot; Lazarus
Alastair Paterson

Nyeng nyocokin: M. Maillot; Sarah S.

Nyeng terjemahin: Matheus Nalih Ungin

Dibikin buat: Bible for Children
www.M1914.org

©2023 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.



Yesus tau banyak pemuka agama lebih cinta duit daripadab Allah. Ia bilang tentangb apa nyeng terjadi sama dua orang, dan ngapah kaga ada gunanya punya banda tapi kaga punya Allah. Kekayaan kaga bisa beli keidupan sama-sama Allah di sorga.




Ada orang kaya
nyeng punya baju
bagus dan mahal.
Ia pake pakeannya
udah kaya raja.



Orang kaya itu juga makan nyeng enak-enak. Tiap kali makan udah kaya keriyaan gede-gedean. Ia punya banyak duit sampe-sampe ia bisa beli apa aja nyeng ia mao buat makan pagi, siang ama malem atawa buat makanan kecil disela-sela pas makan gede.



Di pintu pager dari rumah orang kaya itu ngejoprak tukang minta-minta miskin, sakit ama lapar. Namanya Lazarus.





Lazarus nyeng miskin badannya penuh ama koreng. Ia ngidap penyakit. Bisa jadi koreng ama bengkak di badannya karena perkerjaan jahat orang laen sama dia. Atawa bisa juga korengnya karena ia kaga dapet makanan nyeng sehat kaya susu, sayur atawa daging.

Lazarus
pengen bangat
makan. Ia
bakalan girang
bangat ama
remeh-remeh
makanan dari
meja orang
kaya itu.



Anjing liar suka
dateng ngedeketin
ke tukang
minta-minta
miskin ama
kaga bedaya.

Anjing itu
ngendus ama
ngejilatin
korengnya.

Kayanya kaga ada
orang nyeng peduli
ama Lazarus
nyeng kelaparan.



Satu pagi,
Lazarus kaga
bangun dari
tidurnya.
Tukang minta-
minta nyeng
miskin ama kaga
ada temen itu
ninggalin
keidupannya.
Lazarus mati.



Kegembiraan mulain pas
Lazarus mati. Yesus bilang
malekat-malekat ngebawanya
supaya bisa sama-sama Abraham.
Lazarus dihibur
sama
Allah.



Orang kaya itu juga mati. Semua duitnya kaga bisa nyelametin nyawanya. Kalo saatnya mati udah dateng, kaga ada orang nyeng bisa ngebrentiin.



Orang kaya dikuburin. Penguburannya mewah banget. Banyak orang muji-muiji orang kaya itu karena ia pinter dan sukses. Tapi pujian itu kaga bisa nulungin dia. Orang kaya itu masuk neraka.



Di neraka, orang kaya itu mewek aja, "Bapa Abraham, kirim Lazarus biar ia ngebasahin ujung jarinya pake aer dan ngebasahin lidahku, karena aku keseksa di dalem api ini."



"Dalem idupmu, kamu punya semuanya dan Lazarus kaga punya apa-apa." Abraham ngingetin orang kaya.

"Sekarang Lazarus udah nikmatin dan kamu dalem penyeksaan. Kaga ada seorang acan-acan bisa nyebang antara kamu sama kami."



"Kirim Lazarus buat ngingetin lima
sodaraku." Orang kaya itu memelas.

"Aku kaga mao mereka berakhir kaya
aku di tempat dimana aku diseksa."



"Sodara-sodaramu punya Sabda Allah," Abraham ngejawab. Kalo lima sodaramu kaga percaya sama Alkitab, mereka juga kaga bakal percaya kalo Lazarus balik lagi dari matinya.



Pas Yesus kelar nyeritain cerita soal orang kaya ama Lazarus, bisa jadi pemuka agama pada betanya-tanya diantara mereka. "Apa iya aku lebih seneng ama kekayaanku lebih dari aku seneng sama Allah?"



Orang Kaya, Orang Melarat

Sebuah cerita dari perkataannya Tuhan, Alkitab

Ditemuin di

Lukas 16

“Palang pintu Firman Engkau ngasih terang.”
Mazmur 119:130





Tamat



Ini cerita Alkitab nyeng nyeritain kita soal Tuhan kita nyeng kerén, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang bangat sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya!

Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

